

Sažetak projekta:

Evropski Akt o malom biznisu kao okvir strategija i politika za MSP u BiH

Problem

Dosadašnji neuspjesi u harmonizaciji okvira za MSP (zakonskog, strateškog, policy) u BiH opterećeni su pristupom koji nije prilagođen specifičnom kontekstu problema (od vrha nadole u kontekstu decentralizovanih nadležnosti relevantnih za MSP), prevelikim oslanjanjem na međunarodnu podršku i na eksperte u kompleksnoj situaciji, dominacijom perspektive javnog sektora i nedostatkom zajedničke metodologije za sve učesnike i sve faze ciklusa razvoja strategija/politika.

Posljedice uključuju: smanjenu međunarodnu i donatorsku podršku (kao glavni finansijski i stručni oslonac podrške razvoju MSP u BiH), smanjenu djelotvornost lokalne podrške razvoju MSP, zanemarivanje perspektive MSP i smanjenje njihovih performansi, veoma nizak nivo domaćih i stranih investicija u oblasti MSP, stalno nisku ocjenu napretka u pogledu politika za MSP u godišnjim izvještajima EU o napretku BiH.

Ključne ideje

Koristiti i prilagoditi Akt o malom biznisu (i Indeks politika za MSP) kao zajedničku metodološku osnovu za harmonizaciju strateškog okvira za MSP u BiH, obuhvatanjem svih faza razvoja politika (**planiranje, implementacija, M&E, revizija**) i **omogućavanjem/olakšavanjem** interakcije ključnih aktera.

Ciljevi i očekivani rezultati

Opšti cilj: Ubrzanje ekonomske integracije sa EU u oblasti okvira za podršku MSP, sa pozitivnim uticajem na ostvarenja MSP u BiH.

Specifični cilj sa očekivanim rezultatima

Harmonizovan zakonski, strateški i policy okvir za MSP u BiH na osnovu Akta o malom biznisu kao glavnog orijentira za zemlje zapadnog Balkana, postepeno kroz:

1. poboljšanu implementaciju strategija i planova razvoja MSP u dijelovima koji se odnose na primjenu Akta o malom biznisu (korišćenjem odgovarajućeg projektnog fonda);
2. zajedničku metodologiju za planiranje, implementaciju, M&E strategija i planova razvoja MSP u BiH (zasnovanu na Aktu o malom biznisu i Indeksu politika za MSP);
3. reviziju postojećih i planiranje novih strategija i politika razvoja MSP po zajedničkoj metodologiji;
4. usklađivanje zakona o MSP u entitetima i BD sa Aktom o malom biznisu;
5. institucionalizovan javno-privatni dijalog u funkciji razvoja MSP na svim nivoima u BiH;
6. kreiranje i promociju harmonizovanih politika i praksi podrške razvoju MSP prema međunarodnim i domaćim akterima.

Razrađene su odgovarajuće aktivnosti za postizanje ovakvih rezultata, zasnovane uglavnom na fasilitaciji, uz aktivnosti koje se odnose na upravljanje projektom.

Ključni učesnici

- Ministarstvo vanjske trgovine i ekonomskih odnosa BiH
- Ministarstvo razvoja, poduzetništva i obrta Federacije BiH
- Ministarstvo industrije, energetike i rudarstva Republike Srpske
- Odjeljenje za ekonomski razvoj, sport i kulturu Brčko distrikta
- Dvije jedinice lokalne samouprave
 - *Sida putem Ambasade Švedske u BiH – finansijska podrška implementaciji projekta*
 - *Eda – Agencija za razvoj preduzeća – odgovorna za implementaciju projekta i fasilitaciju interakcija*

Trajanje projekta

1. avgust 2017 – 28. februar 2021.

Faze i težišta projektnih aktivnosti

1. faza: 1. avgust 2017 – 31. juli 2018.

Podrška boljoj implementaciji strategija i planova; rad na harmonizaciji zakonskog okvira sa SBA; razrada konceptualnog dijela zajedničke metodologije za planiranje, implementaciju, M&E strategija i planova razvoja MSP.

2. faza: 1. avgust 2018 – 31. juli 2019.

Nastavak podrške boljoj implementaciji strategija i planova; razrada praktičnog dijela i kompletiranje zajedničke metodologije sa institucionalnim odobravanjem; revizija postojećih strategija i planova za MSP.

3. faza: 1. avgust 2019 – 31. juli 2020.

Nastavak podrške boljoj implementaciji strategija i planova; kreiranje novih strategija i planova za period 2021-2027; razvoj harmonizovanih politika i praksi podrške razvoju MSP; promocija, institucionalizacija i jačanje javno-privatnog dijaloga na svim nivoima.

4. faza: 1. avgust 2020 – 28. februar 2021.

Osiguranje institucionalne održivosti podrške za bolju implementaciju strategija i planova; finalizacija i promocija novih strategija i planova za period 2021-2027; finalizacija i promocija harmonizovanih politika i praksi; podrška boljem funkcionisanju mehanizama JPD.

Izvor finansiranja

Švedska agencija za međunarodnu saradnju (Sida), putem Ambasade Švedske u BiH.